

禮書卷第一



冕服

十二章之服

大裘而冕

衮冕

鷩冕

冕服

三十卷

書曰天命有德五服五章哉又曰予欲觀古人之象日

星辰辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

米黼若斧形黻為兩已相背色備曰繡周禮典絲凡祭祀共黼畫組就之物

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

大夫四命及其出封皆加一等其衣服亦如之

命其衣服以皮帛眡小國之君其卿三命其大夫再

命其衣服各眡其命之數侯伯之卿大夫士

書名 禮書一百五十卷 宋刊元修本

撰者 宋 陳祥道 撰
卷三十 經 禮 三禮總義 宋
索書號 貴重 8
編號 A259500

東洋文化研究所漢籍目錄 編號: A259500
東洋文化研究所漢籍目錄所藏漢籍善本文影像資料庫 索書號: 貴重 8
漢籍善本文影像資料庫文本禮書一百五十卷 宋刊元修本
版權所有: 東京大學 東洋文化研究所
使用上的注意事項

牛



禮書卷第三十

后躬蠶

公桑蠶室

薦鞠衣之禮

后乘翟車

先蠶壇

躬桑壇

蠶月

蠶器曲植

后躬蠶

周禮內宰中春詔后帥外內命婦始蠶于北郊以為祭

服

蠶千北郊婦人

馬質禁原蠶

天文辰為馬蠶書曰蠶為龍精月值大火則浴

其種是蠶

月令季春天子乃薦鞠衣于先帝

為將蠶求

也鞠衣黃桑之服先帝大禋之屬正義曰依礼祭五帝

帝自服大裘今薦鞠衣蓋薦於神坐以其言先不言上

故知非天惟太皞之屬云之屬者以蠶功既大非獨祭

太皞故向氏去豫祭五方之帝其所祭之處王權賀賜

為氏等並以是月也命野虞無伐桑柘鳴鳩拂其羽戴

勝降于桑之候也具曲植籩簋后妃齋戒親東鄉躬桑

禁婦女毋觀省婦使以勸蠶事后妃親桑示帥先天下

其不常留養蠶也謂養者所亡夫人與世婦婦謂世婦

反諸臣之妻也夏小正曰妾子始蠶執養官事毋觀法

容飾也婦使縫蠶事既登分繭稱絲効功以共郊廟

之服季夏蠶事既畢后妃獻繭乃收繭稅內外命婦共

者內外命婦每就公桑蠶室其夫亦當有祭唐月令三

月之節天子乃薦鞠衣于先帝進於太廟三月中氣后妃齋

戒享先蠶而躬桑以勸蠶事季春吉已皇后享先蠶先蠶于事也祭義

曰古者天子諸侯必有公桑蠶室近川而為之禁宮仞

有三尺棘墻而外閉之及大昕之朝君皮弁素積卜三

宮之夫人世婦之吉者使入蠶于禁蠶室奉種浴于川

桑于公桑風戾以食之歲既單矣世婦卒蠶奉繭以示于

君遂獻繭于夫人夫人曰此所以為君服與遂副禕而

受之因少牢以禮之及良日夫人繅三盆手遂布于三

宮夫人世婦之吉者使繅遂朱綠之玄黃之以為繭黼

文章大斷季春朔日之朝也風戾之蠶性惡溫歲單三

而手振之以正義曰近川而為之取其浴蠶種便也七

尺曰仞仞有三尺高一丈也棘墻者謂墻上置棘外閉

謂扇在戶外閉也又日月令三月后妃親東鄉躬桑此

云二月與彼不同者按馬質云禁原蠶彼注天文辰為

馬引蠶書曰蠶為龍精月值大火則浴其種是蠶與馬同


氣故此仲春始蠶者亦謂浴種至三月臨生蠶時又浴

種乃生之故設之有異天子親耕於南郊以供粢盛王

后蠶於北郊以共純服諸侯耕於東郊亦以共粢盛夫人蠶於北郊以共冕服天子諸侯莫非耕也王后夫人莫非蠶也身致其誠信誠信之謂盡盡之謂敬敬盡然後可以事神明此祭之道也穀梁曰天子親耕以共粢盛后親蠶以共祭服國非無良農女工也以爲人之所盡事其祖禰不若以已所自親者也

公桑蠶室

近川爲之



天子諸侯之禮文而有辨故耕於南郊東郊王后夫人之禮質而少變故皆蠶於北郊公桑蠶室近川爲之以其便於浴蠶也塾宮仞有三尺棘牆而外閉之所以謹於養蠶者也其始也天子薦鞠衣于先帝以告將蠶內宰詔后帥內外命婦以趨蠶事而后之首飾以編服以鞠衣纓以黃纓車以翟車貝面組總有握及郊享先蠶然後東鄉而躬桑焉鄭氏曰東鄉者鄉時氣也是時其不常留養而留養者所卜夫人與世婦也考之祭義諸侯卜三宮之夫人世婦之吉者使入蠶室則后亦

留養可知也及繭之成夫人副禕受之三盆手則后亦副禕受之而三盆手可知也躬桑后夫人之事耳天子必薦鞠衣君必皮弁素積卜三宮夫人世婦使入蠶室者內外相成之義也故建國則王立朝后立市祭祀則王裸獻后亞之賓客則王致酒后致飲以至王耕藉后獻種王射牲后春盛則后夫人之躬桑王與諸侯不可不與之也躬桑不過鞠衣而受繭必以副禕者重繭之成也繅必三盆手者禮成於三也三盆手猶王藉之三推也然後布于三夫人世婦之吉者使繅遂朱綠之玄黃之以爲祭服猶庶人之終畝也晉制後乘載鉤筐後周皇后採桑三條公主五條鄉縣以下九條北齊及隋亦如之然則採桑三條與三推同其載鉤筐以後車載耒耜不類是不純乎古也後漢蠶于東郊晉蠶于

西郊宋齊蠶于西北而漢制后乘鸞輅載龍旂千乘萬
騎鼓吹鉦鉞莫不咸備晉后著十二筭步搖衣青衣乘
油畫雲母安車而女尚書著貂蟬佩璽後周之時后
乘翠輅皆非古制


薦鞠衣之禮

月令季春天子薦鞠衣于先帝鄭氏曰先帝大皞之屬
引穎達曰薦鞠衣置於神坐前熊氏之徒謂其祭在明
堂李林父曰進鞠衣於太廟此不可考

后乘翟車

中車曰翟車其制與翟車無差矣如今制車乃世后所乘


以出



巾車主后五路有重翟厭翟安車翟車輦車四車有蓋
 而翟車無蓋有握鄭氏曰翟車不重不厭以翟飾車之
 側后所乘以出桑



先翟壇



呂氏月令言薦鞠衣于先帝不言享先蠡唐月令言薦鞠衣于先帝又言享先蠡考之於古食必祭先倉寔必祭先炊視學祭先聖先師養老祭先老射祭侯師祭禡則將蠡而享先蠡蓋禮然也漢儀以中牢羊豕祭蠡神曰苑窳婦人寓氏公主凡二神晉武帝時先蠡壇高一丈方二丈四出陛陛廣五尺在皇后採桑壇東南帷宮外門之外而東南去帷宮十丈在蠡室西南桑林在其東北齊爲蠡壇高四尺方丈四出陛陛各廣八尺置蠡壇於桑壇東南大路東橫路南壇高五尺二丈四陛陛各五尺外北方四十步面開一門每歲季春穀雨後吉日使公卿以一太牢祠先蠡黃帝氏於壇上無配如祀先農禮訖皇后乃躬桑後周皇后至蠡所以一少牢親進祭奠先蠡西陵氏神二嬪爲亞獻終獻隋制先蠡壇於宮北二里爲壇高四尺季春上巳皇后服鞠衣以太牢制幣祭先蠡用一獻之禮唐制亦皇后吉已享先蠡遂以親桑李林父釋月令曰先蠡天駟也先蠡之神或以爲苑窳婦人寓氏公主或以爲黃帝或以爲西陵氏或以爲天駟歷代儒者議論不一然則蠡其首馬首其性喜溫惡濕其浴火月而再養則傷馬此固與馬同出於天駟矣然天駟可謂蠡祖而非先蠡者也蠡婦人之事非黃帝也史記黃帝娶西陵氏而西陵氏始蠡於志無見漢祀苑窳婦人寓氏公主二人此或有所傳然也其壇或在桑壇東南或在桑壇之西其祭或少牢或太牢或一獻或三獻歷代之所尚異也然禮必皇后親享此齊使公卿祠之非古也



躬桑壇

國語曰司空除壇于藉藉而有壇則躬桑有壇矣掌
次掌凡邦之張事而異時有宿幕于耕壇之上然則桑
壇蓋亦張幕歟


蠶月

詩曰蠶月條桑周禮仲春后帥內外命婦始蠶月令季
春后妃齋戒躬桑祭義大昕之朝君卜三宮之夫人世
婦之吉者使入蠶室奉種浴于川又曰歲既單矣世婦
卒蠶鄭氏曰大昕季春朔日之朝也歲單三月月盡之
後也孔穎達謂中春浴種季春再浴之理或然也荀卿
賦曰夏生而惡暑則蠶有四月生者有三月生者不特
春生而已然蠶馬無兩盛故原蠶者馬質禁之

曲



植



曲薄也植植也正義曰案方言云宋魏陳江淮之間謂之曲或謂之趨自開而西謂之薄故云曲薄方言注植縣蓋薄柱也宋魏陳楚江淮之間謂之植自開而西謂之植齊謂之耕

禮書卷第三十終

禮書卷第三十一

千乘之國

五等諸侯附庸

公五百里 侯四百里 伯三百里 子二百里

男一百里

圭田